

Hmar Christian Fellowship, Delhi

Khawvel po poah fe unla thil siemhai po po kuomah ChanchinTha hi hril ro. Mk. 16:15

Executive Committee

Chairman Upa Dr Lalsiemlien Pulamte
 Vice Chairman Pu L B Tuolte
 Secretary Pu Herbert Lalsanglur
 Asstt. Secretary Pu Lalthungsiem Thlawngate
 Secy Fin (M) Pu Timothy Shakum
 Secy Fin (G) Pu Darsuothang
 Secy Evan. Pastor Lalditsak Inbuon
Membarhai: Pu Benjamin Khawbung
 Pu H K Kawllienthang
 Pu Hrangkaplien
 Pu Laltlana Chhangte
 Ex-off Members: Deptt Head-hai po
 Pastor Laldisak Inbuon

Nuhmei Pawl Committee

Chairperson Pi Haulientling
 Vice Chair. Pi Rohlun Hrangchal
 Secretary Pi Chonghoi Inbuon
 Asst. Secretary Dr Donny Tuolte
 Fin. Secy (Gen) Pi Sari Ralsun
 Fin. Secy (Msn) Pi Grace Khobung
Membarhai:
 Pi Rengi Ruolngul Pi Darlienzo
 Pi Hoilam Pi Lalrotluong
 Pi Lalhuolhim

Thalai Pawl Committee

Chairman Tv Jessai Shakum
 Vice Chairman Tv Johnson Hmar
 Secretary Tv Zarzolen Infimate
 Asst. Secretary Tv William Dargawn
 Fin. Secy (Gen) Nk Esther Lalramhuol
 Fin. Secy (Msn) Nk Dorothy Lalneizo
 Music Secretary Tv Lalneilien Inbuon
Membarhai:
 Nk Thlirawnmawi Nk Kimi Pulamte
 Tv Ramngailien Pu Vanlalmon Joute
 Tv Joseph Pakhuongte Tv Stephen L Ruolngul
 Tv Jared Vardinthar Varte

Mission Field Thawktuhai

Pastor Lalsiesang Evan Raman Lal
 Evan Jostna Lal Evan Rehana
 Evan Phirlienmawi Evan Pramod Kumar
 Evan Vanlaltlan Amos Tv Joshua Sungte
 Tv Sunil Rawat Nk Roneihlu
 Nk Arpita Barua Nk Neha La

Naupang Sande Sikul

Pu Laltlana Chhangte Superintendent
 Pu Timothy Shakum Asstt. Supdt
Zirtirtuhai:
 Pu Lalhmingtha, Pi Dr Lalsanghnem
 Pi Zolienmawi, Pi Judith Sanate
 Pi Lalnunmawi, Pi Vida Lalarzo
 Nk Sari Buongpui, Nk Nienghoikim
 Nk Betsy Ramtuokkim Hmar

Vengbuk Inkhawm Thuoituhai
 (Chairman, Secretary, Treasurer)

Vikaspuri

Immanuel Khobung, Grace Keivom, Lalhmingmawi

RK Puram

Suothang, LK Thagen, Haulientling

Safdarjung Enclave

Hrangkaplien, Edward Sungte, Lalhrietpui

Vasant Vihar

Darsuothang, Lalchunghnung, LH Hrangchal

Mahipalpur

Joseph Lalremlien, Robert Khobung, Margareth

Mehrauli

Robert Penatu, Jared V Varte, Kim Thlawngate

South Extension

Lalmuonthang, Joseph Dargawn, Thapui

Munirka

C.Muan Buhril Lalthuoisuk Pudaite Michael Joute

North Delhi

Dr. Robert Varte, Gordon Amo, Roselyn Buhril

Gurgaon

Alan Sinate, Vanlalthuthlung, Dardingpui

*(Ei thuoituhai ta dingin lo tawngtai
 hlak ei tiu)*

Vol-5. No. 5

May 2010



Hrepuitu

HMAR CHRISTIAN FELLOWSHIP DELHI CHANCHINBU

Hana thilhan danglam tak chu



Hannah brought Samuel to meet Eli.

Chuong thil po po chu a hrepuitu in nih. (Luka 24:48)

Hrepuitu
Hmar Christian Fellowship
Delhi
Chanchinbu Thlakip Suok
Vol. 5 No. 5 (May 2010)
Editor:
Upa Lalsiemlien Pulamte
Jt. Editor:
Pastor Lalditsak Inbuon
Editorial Members:
Lalchungsiem Thlawngate
Timothy Shakum

Address:
Editor, Hrepuitu,
14/16, MS Building,
NPL Colony,
New Rajinder Nagar,
New Delhi - 110060

Tel: 09868183268
Email: hrepuitu@yahoo.com
Lakman:
Copy khat Rs 10.00
Kum khat Rs 100.00

Suttu:
Upa Lalsiemlien Pulamte
(HCFD aiin)

Hi chanchinbu-a hin Hmar Christian Fellowship Delhi le a rongbawlina chanchin a chuong a. A sunga thuhai hi Pathien rongbawlina hmangruoa hmang nuom ta dingin hmangawng le lâksawng thei a nih a. Thawsuol le sukdiknaw pal thua ruok chu ahmangtu'n maw phur a tih. Ngaidân suklanga um(hai) hi HCF Delhi ngaidan a(n) ni chuong kher nawh.

- Editor

Editorial

Lalpa a'nthok rochan ei nauhai hi
"Nauhai hi Lalpa a'nthok ei rochan donghai an na, rila ra naupanghai hi ei lawmman donghai an nih" tiin Sam 127:3-ah a'n ziek a. Nauhai hi nu-le-pa ta an ni naw a, Lalpa ta, ama ditdân le a thiltum anga enkol dinga ei kuta a mi pêk an ni lem. Chuleiin, nauhai hi Lalpa ditdân anga an lampui ding inchûktir le a tûl chun Lalpaa thunun hi ei mawphurna a nih. Thua chauh ni loin, an mi entonthei ding khopa ei nungchang khoma thiltha ei inchûktirsa ding an nih.

Mi tam takin hnuoi ro an ngaisang a; in-le-lo, tangka sum, rangkachak le a dang dang nei le inkhaw! tumin thang an lâk hlak. Hnuoi ro ruok hi chu ro tak tak a tling phâk nawh. Asan chu inrûk hmangthei, hângthim fak sietthei, kângmei le tuilienin a suksiet thei, nau rilo haiin zân khat thila an lo sukhâmral thei a ni leiin. Hnuoi rohah hi Lalpa chun ro a mi ti pêk naw a, nauhai hi amaa inthok rochan ei dong hai an nih tiin a mi hrilpêk lem a nih. Nauhai hi chatuon ro tlingtheia buotsai dingin Lalpa'n ei kutah a mi pêk an nih. Chuleiin, Isu Krista sandamna an chang thiena dinga an kuoma Pathien thu hril a, tongtaipek a, Kristien nundan mawi inchuktir a, sande sikul inkaitir a, Kristien sungkuo boruok siem a keithuoi hi nu-le-pa mawphurna poimaw tak a nih.

Nu-le-pa tam tak chun an nauhai thlarau ngirhmun ngaisak loin khawvela an khawsakna ding ngaituoin an inchûkna an hlawtlinga sin tha tak tak an hung nei phot chun hlawtling hleah an ingai hlak. Lalpa ruok chun hlawtlingah a ngai ve kher dim? "Miin khawvel hi nei vong sien, a thlarau inhman si sien, a ta dingin ieng am a sawt a?" ti a ni khah. Nauhaiin thlarau hringna nei si loa khawvel hlawtlingna an chang nekin thlarau hringna an neina dinga kutdawah an insiem khom thlanglem ding ni awm tak a nih. Pathien chun a ram le a felna ei nei phot a, chu zoa thil dang po po mi pek belsa a nuom a nih.

Nu-le-pain an mawphurna an hlen naw leia nau an hung suol pha nauhai hi phurrikah an ngai hlak. Ei lawmman donghai an nih a, Lalpa'n ei phurrik dinga a mi pek an ni nawh. Ka nau enkolnaa hin Lalpa thiltum ka hriet am, Lalpa ditzawngin ka enkol am? ti zawna hih eini sengah indon thar dingin ei infiel a nih.

Upa Lalsiemlien Pulamte

Hrepuitu : May 2010

chu sandamna chung thua an buoi ta naw khom a hoi. Isu Krista ring lei chawa chatuona hringna chang an nih ti khom an hriet tawh hle a, Pathien thu hai ngaituo zui peia chawm hring hi Lalpa'n ei mawphurna dinga a mi pek a ni ang hrime phursuok dingin ei infiel a nih. Chun, naupang a tam lem chun, fienriel tongtaina hi an lo la hmang ngai

rak nawh. Ringtuhai hratna bulpui inthûk tak chu mania Pathien inpawlpuina hi a ni ti hih ei thanglakna ding a ni bok. Hi taka inthok hin nu le pa haiin ei nauhai ngirhmun le eini ngirhmun ngei khom ei inhriet ka beisei a, Pathienin rila ra rochan a mi pek hai enkolnaah nasa nawk zuola thang la tlâng dingin Pathien hmingin ei infiel a nih.

RAM THIM LE TUOLSUNG CHANCHIN

Baptisma rongbawlina: Ei Rongbawlinaa inthokin ring thar 25 lai baptisma chang nuom an um a. Chuong hai le eini laia baptisma chang nuom hai ta dingin May 30, 2010 khin Baptismal Service ei buotsai tum a nih. Pathien ropuina dinga hi prokram a hlawtling theina dingin lo tongtai ei tiu.

Zân khawvar tongtai: Thla tin, Zirtawpni hmasa tak zân peiah kohran mipui ta dingin khawvar tongtai hun siem a nih. May 7, 2010 zân khan Pastor Lalditsak inah hi tongtaina hun hi hmang a nih. Membar iemani tawh fe khawmin Pathien kuoma lawmthu hrilna le inhlân tharna, khawpui hmun hrang hranga um Hmar Christian Fellowship hai ta ding, ramthima HCF Delhi rongbawlina le ei ram tienga kohran le khawtlâng thuoituhai ta dinga tongtaina hun hmang a nih. Tongtaina hmun dingin tuta ei inkhawmna biek in (Apostles Methodist Church) min hmangtir dingin ei biek zing a, an mi phalpêk theina dingin lo tongtai hlak ei tiu. Chu hma po chuh mimal inah ei hmang el hlak ding a'n leiin

Pathien hminga lo inphal hlak dingin in neitu hai ei ngên ngah a nih.

Delhi Hmar Centre Committee: Kum 2010-2013 sunga Delhi Hmar Centre Committee Executive Committee thuoituo ding thlangtlinga umhai chu Pu HK Kawllienthang (Chairman), Pu Timothy Shakum (Vice Chairman), Pu Lalchungsiem Thlawngate (Secretary), Pi Judith Hmar (Asst. Secy) le Pu Benjamin Khobung (Treasurer) an nih. Anni bâka hin DHWA Chairman le Secretary, HCFD Chairman le Secretary le HSA Delhi Jt. Hqrs President le Secretary hai hi Ex-Officio Executive Committee membar an ni ve.

South Manipur Gospel Centenary Celebration, Delhi: Thalai Pawl hai chun South Manipur Gospel Centenary Celebration, 7-8 May 2010, Dogra Hall, IIT, Delhi-ah hlapawl mawi tak le thiem taka rongbawlina an va nei. Hi inkhawm hi HCF Delhi aiawin, Pastor Lalditsak le Upa Lalsiemlien Pulamte khoma an va uop ve.

an ring lem thu an hril bok. Then khat ruok chun an thu inchuk hai a danglamna bek umin an hriet nawh.

ZN 10: I hung tlangval/nunghak pha le ieng thaw am i nuom tak a?

DN: Mihai ta dinga malsawmna ni ka nuom, police officer, football player, professional musician, IAS awfisar, Pathien rongbawl, social worker, Animation inchuk/sinthaw, Sap rama fe.

ZN 11: I nu le pa inchuktirna popo hai hi zawm dingin tha i ti vong am?

DN: Tha ka ti vawng. A changin ka zawm ngai nawh. Pathienin nu le pa a mi pek hi ka lawm tak zet a nih.

ZN 12: Khawvela i dit po po hi nei vong la inhoi hle dingin i ring am?

DN: Aw oi ti pawl an um a, chun a'n hoi ding ti pawl khom an um. Chun, 'inhoi tho a ta chu, Pathien thang naw chun hlimna le thlamuongna tluontling um chuon naw nih' ti khom an um.

ZN 13: Isu krista'n i ta dinga a thawpek che poimaw tak nia i hriet hei hril ta

DN: Chatuona hringna a mi pek hi. *(Hi zawna hi Junior le a chung tieng, a tamlem chun chatuon hringna lampui hi an hrietfie thawkhat tah nia hriet a nih.)*

ZN 14: Games & sports in hnel laia mi in hnik zawng tak iem a na?

DN: Basketball gallery, War games, Football le cricket.

ZN 15: Ni khat sung hin School/ Sunday School lesson hun ieng chen am i tiem hlak?

DN: School lesson 2 hrs/1 hr/ 30 mins.

ZN 16: Subject/Lesson/Activity i tiem/thaw nuom zawng iem a na?

DN: Political science, SST, Guitar per, Ruolhai le interaction le Pathien thua inpawl le hla ngaithlak.

ZN 17: I khat choa i um lain i tongtai hlak am?

DN: Aw/Harsatna nghirhmun ka um pha ka tawngtai cho ti pawl khawm an um.

ZN 18: Ka nu le pa kawla thuruk ka hril ngam lo, hotu nu/pa kawla cho ka hril nuom hai (Junior le a chungtieng hai ta ding)

Tongtai pekna dinga an thil ngên hai: Pathien tienga hrat lem theina dingin; Hriselna dingin; Harsatna le rinumna kara khom Setan ka do theina dingin; Pathien ditzawng ang taka ka um theina dingin; Ka lien hnung khoma Pathien rong ka bawl theina ding; Ka nu le pa inchuktirna po po ka zawm vong theina dingin.

Thangtlâng dinga ngenna: Nu le pa, hotu hai khom ni inla, Lalpa'n naupang a mi pêk hai hi ni tin ei mithmua inthanglien an ni lai zing khom hin, an lungril putdan le an nuom zawng hai khom ei lo hriet phak ta da'l thei ti ngaituonain, Pathien rawnin hieng zawnahai (questionnaire) hi buotsai a ni a. Zawna 18-na lem khi chu an donna hai hi lan suo naw phot a nih. Tu kuoma khom hril dok lo dinga an kuoma thu ka'n tiem a'n leiin an zieksuok ngam chau a nih. Hieng ang an mi ziekkep nuom hi lawm a um tak zet lem a nih. Nu le pa le hotu hai thang lakna dinga ka ti a nih. Nu le pa hai ei inhmukhawm hunah, anni hriet loa hriltlang chi a nih. A tlangpui chun, Junior-a inthoka a chung tieng a tam lem hin

SERMON

Hana Thilhlan danglam tak chu

- Pi Lalrotluong Pulamte.

Pathien thu ei sirsan ding chu I Samuel 1-2 a nih. Hi taka hin Hana ngirhmun lunginsietum tak dâm, a beidong leia Pathien a bêl thu dâm, a naupa a'n hlanna dâm, Israel hnam ta dinga Samuel fethlenga Hana poimawzie dâm le Lalpa dît dâna rinum tuor hi malsawmna a nithei dân hai sui ei tum a nih.

Thiempu hnama mi Elkana chun nuhmei pahni a nei a, an hming chu Hana le Penina a nih. Penina chun nau a nei a, Hana ruok chu Lalpa'n a sùl a khâr pêk leiin nau a nei naw a. Hana hming umzie chu 'lunginsietna' amanih 'ditsakna' a nih. Tuta a chan hin chu a hming umzie a la phursuok naw hle. Khânglai hun, anni khawsak dana chun pasal neitah nuhmei in nau a nei thei naw chun an lungril a rinum pekin nuhmei tadingin hmingsietnaah ngai a nih. A chan se sienkhom a pasalin a hmangai a, inthawina an inhlân pha khom chan hni a siempêk bîk zie hlak. "Naupa sawm nêk khomin i ta dingin ka hlu lem naw maw?" tiin a pasal chun a hnêm a. Amiruokchu, Isakin a nuhmei, Rebek nau pâi theina dinga Lalpa kuomah a hnipêk angin Elkana ruok chun Hana a tongtaipêk thu ei hmu nawh. A thei tawpa a hnêm khan a'n zo el ni awm a nih. A khingpuinu hlak chun elsênin a suktap a, bu khom a'n ngheitir pha hiel

hlak a nih. Hagarin Abrahamah inthok nau a pai ti a'n hriet hnunga Sari a hmusit tan ang khan Penina hin Hana a hmusit khom ning a tih.

Hana chu beidong le lungril na taka tap hlop hlop pumin Lalpa kuomah a tongtai a. LALPA kuomah, "Iengkim LALPA, i bawinu rinum tuor hi zuk thlîr la, hre zing rawh. I bawinu hi theinghil loa nau pasal i pêk chun, a dam sung po po LALPA ta dingin pe suok ka ta, a lu khom vaw ni ngai hrim hrim naw nih" tiin inkhâm meuin thu a tiem a. Hana hin ama hmakhuo ngaiin LALPA kuomah nau pasal a hni naw a, LALPA rongbawltu ding a hni lem a nih. Hi hi Pathien lawmzawng tak thilhni tongtaina a nih.

A Pathien thilthawtheinaa khan a chawl hâdam a, nau a pêk ngêi ding a ni ti a chieng ni ngêi a tih, a tongtai zo khan bu a fâk a, lungngai hmel a put zing ta naw thu ei hmuh. Hana chun nau pasal a hung nei ngei ta a, "LALPA kuoma ka hni suok a nih" tiin a hmingah Samuel a sak a. Lalpa kuoma a thutiem chu hre zingin sukpuittling kâr khom a nghakhla ni ngei a tih, nene nêk an bân tir zo charin thiempu Eli kuomah Samuel chu thuoiin Lalpa rongbawl dingin a'n hlan a nih. Samuel kha zuk pom/kol sawt met khom a tum naw a, a peksuok nghal a nih. Khanglaia Eli insung ngirhmun

inhnok zie kha, “Eli nauhai an rilo hle a, Lalpa inzâna hrim an nei nawh” tiin a’n ziek a nih. Inthawina sa a tha tha an lâk a, Intuokna Puon in kotkhar bula nuhmei rongbawltuhai an zâlpui hlak. Chuong ang boruok hnuoia seilien dinga Samuel a peksuok khom khan Hana ringna puitlingzie a suklang.

Eli kuoma Hana’n Samuel a pekdok hnunga a tongtaina hla (2:1-10) hi a ropui êm êm. A tongtaina hin Pathien sandamna, a thienghlimna, a hratna, a hrietna, a thilthawtheina le a rorelna a puongsuok a nih. Pathien chu lungril ngui hai hlimna petheitu a ni zie dâm, lungpui le inngatna tlak a ni zie dâm, mi pasie hai suk hausa thei le hausa hai suk pasie theitu le êk dura inthoka lasuok theitu a ni zie dâm târlangin Pathien chu a chawibiek a nih. Hana hin vangduoi huna le vangnei huna khom Pathien chawibiek hi inang rongin nunah a nei a. Nau a nei hma khom khan a pasal leh kum tin Silo khuoah lengkim Lalpa chawibiek dingin an fe zie hlak a nih. Samuel a peksuok hnung khom khan Siloah Pathien chawibiek dinga fe an thul chuong nawh. Hana’n “LALPA-ah ka lungril a hlim a” a tih. Harsatna le lawmna huna Lalpa hmel hmu ve dingin eini khom a min fui a nih. Habakukin taksa khawsak beiseina po po thlawn vong sienkhom Lalpaa a hlim pei ding thu le a sandamtu Pathiena a lawm pei ding thu a hril ve (Hab 3:17-19).

Hanain Pathien rongbawl dinga a naupa Samuel a’n hlan hin a peksuok tak

meu a, a nau chung a hin chan a nei ta nawh. Baibula ei hmu dân chun thiempu hai hin kum 25 an nia inthok kum 50 chen rong an bawl hlak a, kum 50 hnung chun an pension hlak a nih (Nam 8:24-25). Hana ruok chun a naupa hi a dam sunga Pathien rongbawl dingin a’n hlan a. Lalpa rongbawl sina inthok pension theilo dingin Lalpa kuomah a peksuok a nih. Chu khêla chun Pathien ta dinga siehrang a nizie mihai hrietthei dingin a lu khom vaw hrim hrim lo dingin a’n tiem bok. Pathien ta dinga siehrang, Nazar thutiem nei hai chun uoiin le inrui thei zu hrim hrim an dawn naw a, an lu an vaw naw a, chun mithi ruong an them bok nawh (Nambar 6:2-4). Hana hin a naupa Pathien ta dinga a pêk el khêlah a naupa’n a nun a hmang dan ding chen khom a’n hlânsa niin ei hmuh.

Tulai, kohrana thawdan pangngai anga ngaiin nu-le-pa tam tak chun kohran hai le pastor hai hrietah an nau hai an inhlân rop hlak a. Sienkhom, Hana anga Pathien ta dinga nauhai pesuok tak tak ngam hi chu ei tam ka ring nawh. Chun, Lalpa’n a a rongbawlinaah a nuom dân dân a hmang dinga pe phal tam bok naw mei nih. Pathien hmaa ei thutiem hre zing khom ei tam hmel nawh. Hun a hung sawt deu deu a, kohran hrieta Pathien hmaa an thutiem kha inza loin Lalpa ditdân ang nekin anni ditdânin an nauhai khawsak dân ding lampui an siempek hlak. Pathien leh an pahni chauh hriet thutiem khom nisien Hana ruok chun a thutiem a’n za a,

NAUPANG DEPARTMENT REPORT

- Pu Laltlana Chhangte, Superintendent

Hrepuitu (Jan-April) 2010 Issue-a Naupang Pawl hotuha’n naupanghai an ni tin hun hmang dan dam, an thlarau ngirhmun dam le harsatna an nei hai dam indonna an nei thu ei suklang kha tuhin chu ripawt chu ei hung insuo a nih. Zawna 18 lai indon an ni a, an donna hai hung suklang a nih. *Italic-a* ei sut hai hi comment a nih.

Zawna (ZN) 1: Naupang Pawl inkhawm hi inhoi i tih am?

A donna (DN): Inhoi ti pawl le inhoi naw ti pawl an um.

ZN 2: Inkhawm inhoi i tina/ tinawna san

DN: Hlasaka mi thuoiu ding ei poimaw; Hotuhai min chuktirna a tha; Naupangte hai ri a sie thei; Boruok a lum; Pathien ei inpak a, um dan tha le Pathien thu tamtak ei inchuk bok; Hotupa-a / Hotu Nu inthokin thil thar kar tin ka’n chuk hlak. *(Iemani zat chun ruol hai le inhmua khawmna hmun a ni leiin Sunday inkhawm hi an thlakhla thei hle a nih.)*

ZN 3: Bible hi i tiem hlak am? I Nu le Pa in an tiempuiin an hrilfie pek hlak che am?

DN: Aw. Ka khatin ka tiem hlak. *(Primary pawl hai chenin mani tong ngeia Bible tiem hi an tum ve tlat tah.)*. Ka hrietthiem naw hai ka nu le pa kan don hlak. Ni tin, ka nuin a mi hrilfie pek hlak.

ZN 4: In insungah suongkuo maicham in hmang hlak am? Nangin hun I hmang ve hlak am?

DN: Aw le aw Awi ti pawl an um. *(Naupang hai hi insunga inthoka, inkhawmna hun hmang hai, tongtai hai inchuktir hi thenkhat chun ei thaw naw a, sungkuo maicham hmanglo khom ei um a hoi hle)*

ZN 5: Karkhat a Bible vawi iengzat am i tiem hlak a ?

DN: Ni tin, voi khata inthok voi nga.

ZN 6: Sunday Schoola hotu haiin an inchuktir hai hi i hrietthiem vong am?

DN: Aw le aw oi ti an um. *(Ei tong hmang, a tam lem kulmut deu deu hai lem hi chu naupanghai hin an lo hriet vong ta naw ning a tih.)*

ZN 7: Pathien inpakna hla sak am/ chawimawina hla sak hi inhoi i ti zawng? Ieng hla am i ditzawng?

DN: A pahniin inhoi ka ti ve ve. Pathien inpakna hlaah “Lalpa chu ka berampu a nih”. Chawimawina hlaah “Ka thupui ber”. *(Tulai thalai hla le Praise & Worship hla hai hi naupangin an sak nuom ve a. Thuoiu ding le hmangruo khom ei mamaw a nih)*

Note: (Zn 8-18 hai hi Junior le a chung tieng hai ta ding bik deua siem an nih)

ZN 8: School i kai am? Class iengzat am i thaw ta a?

DN: Class X – XII.

ZN 9: School-a in inchuk hai le Sunday school-a in inchukhai a danglamna i hriet am?

DN: A danglamna hre hai chun mihriem hung intan dan an hril a, chun Baibul thu

intibingna ramri hai chu ner thlengin hnam hrang hrangin Pathien inpakna hlahai chu Hmar tongin an hung sak pha ta hiel a nih.

Pastor Thangngurin hla a phuok tan dan chu hieng ang hin an hril. Senvon khuoa harna 1917-a a tlung hnungin ni khat chu Pathien thu hril dingin a'n zin a. Lungthulien khaw kawla rawl, Vompalung an ti hmuna a tongtai laiin, a hmaa chun Isu ngir a, hmel nelum tak le hlim sieua enin a hmu a. A hang inhaw k chun a lo um ta nawh a. Chu zo chun a lungrilah hla a hung inlang a, Lusei tongin, "Nunna thianghlim siamtu an duh lo Zaiawnah" ti hi a phuok tah a nih. Hi hi a hla phuok hmasa tak a na, tu chen hin hla inlar le sak hlaw tak a la ni zing. Thenkhat hril dan chun hi hla hi Tinsuonga an son hnung, Pathien thu hrila Senvona a fe tuma a phuok a nih an ti bok. Hun sawtnawte hnunga chun Hmar tongin hla a hung phuok tana, Hmar tonga a hla

phuok hmasa tak chu "Sandamtu hi ka hriet hma chun mi dang Pathien ka lo sawn a" ti hi a nih.

Pastor Thangngur chun a damlaia rong a bawl ang bokin a thi hnung khomin rong a la bawl zing. A hlahai hi tong dang danga inletin a um a, biek inah hai, lengkhawmnaah hai le mimal lungrilah thu a la hril zing. Ama bau thusuoka inthokin mi tam takin Pathien an inpak zing a; damlai lampuia inzhin hai ta dingin an hmaah pholeng a târpek a; lungngaihai le lusun purdohai a hnem zinga; pasie le riengvaihai hmaah harmei khu a zarpek a; thlarau rama cheng nuomtuhai ta dingin hniekhnung hmai ruol lo a zamsan a; hla phuok inhnikna nei tuhai ta dingin tongkam hausa a khonkhawm bakah kalbi tha tak a rempek a; kohrana rong bawltuhai ta dingin enton tlak nun lampui, tlaksam le retheina ngirhmuna hausakna thuruk neia hlim thei dan a kawkhmu bok a nih.

(Eini laia Kristien hmasahai rongbawlna hlutsak a hlaw theina dingin Gospel Centenary 2010 sung hin an chanchin inchuon a nih. "Thûkna Ropui" lekhabua Pu HK Kawllienthang thuziek 'Mihrang Pasalthahai'-a inthoka lâksawng a nih. - Editor)

Inhriettirna le ngenna

Mi tuel khom sermon, Pathien thu tieng artikul, testimony le thuthar/hlathar donghaiin hi Chanchinbua insuo ding in hung pêkthei zing. Chun, hi Chanchinbua ei kohran chanchin le rongbawlna ei insuo hai hi mimal le vengbuk inkhawm tongtaina subject-a hmang nghal dingin ei infiel bok a nih. Chu khelah, Pathien rama thahnemngai a, ei Chanchinbu page sponsor nuom dâm ei um chun phêk khat peiah Rs 100-a sponsor thei zing a ni bok.

- Editor

a hriet zing bok a nih. Chun, a nau neisun khom nisien a thutiema khan kir loin Pathien kuomah a naupa a peksuok a nih. A chanchin ei tiem pei chun Lalpa kuomah Samuel a peksuok khan Hana kha nau boin a um song naw a, Lalpa'n naupa pathum le naunu pahni a pêksa ti ei hmuh. Hana khan nau pakhat a hnih a, Lalpa ruok chun nau paruk zet a pêk a nih. Hana'n nau pakhat Lalpa a pêk a, Lalpa ruok chun nau panga a pêksa. Pathien chu pêka hnebân thei a ni nawh. Jn 12:24-a "Bu mal khom hnuaiah a tla a, a thi zet naw chun a malin a um zing hlak a, a thi ruok chun ra tam tak a'n suo hlak" a ti angin Hana lungrilah le beiseinaah a naupa, Samuel hi a thi chieng hle a nih. Asan chu a dam sung po po LALPA ta dingin a peksuok a nih. Chutaka inthok chun ra tam tak a'n suo a, nau panga dang Lalpa'n a peksa a nih.

Eli kuoma Samuel an thuoia Lalpa kuoma an inhlan tuma an inthawi kha pumraw thilhlân ni dingin ring a um a. Hi taka khom hin inchûk ding a um. Pumraw thilhlân dinga ran an hung chawi chu a vun an inhlip a, an chan nawi a, a sung le a ke hai tuia sawpfaiin maichamah an raw a, a rengen a kangfai hlak (Lev 1:4-9). A taksa bung pakhat khom fâk a ni nawh a, thiempu le a'n hlantu khoma chan a nei nawh. A rengen Pathien ta ding vong a nih. A'n hlantu ta dinga inremna siemtua pompêk a nih. Suol sawpfaina le inkhumna dinga thilhlân a ni leiin Lalpa

ngaia chun a'n hlantu chu sukthieng a ni tah. Hana hin a naupa Samuel chung a chan hrim hrim nei ta lo dingin a pumin a'n hlan a, Pathien rongbawl dinga sukthienghlim a ni bok.

Khang lai hun khan Israelin harsatna nasa tak a tuok a. Roreltuhai hun nuhnung tienga thil tlung a nih. "Chuong lai chun Israelhai lai lal an la um naw a, mi tinin mani tha ti zawng zawngin an thaw el a nih (Rorel 21:25)" tiin a'n ziek. Mosie thuthlung an bawsiet a, thilsuol an thaw a, chun milimhai an biek bok a. Chuong lai huna Israelhai inrawitu chu Eli a na, ama khan thiempu le rorelu ni a fawm. Eli kha pa tha nisienkhom thuoitu hratlo le insitum a nih. Eli nauhai ritlona leiin Israel ramin sietna a tuok a, Filistinhai hnuaiah Israelhai chu an um pha a. Chu ngirhmuna inthok chun Samuel hmangin Pathienin a san suok a nih. Samuel chu Israelhai lai rorelu nuhnung tak le zawlnei hmasa tak a hung ni a. Israel lal hmasa tak le a dottu hriek naltu a hung ni ta pei a. Samuel kha Israel thuoitu tha le hnam tungding nawktu a hung nih. Israelin thuoitu tha le hrat a mamaw lai tak Lalpa'n Samuel a pêk a nih. Sienkhom thuoitu tha a pek hmain nu tha le nu huosen, Lalpa ta dinga inpumpêk ngam le naupa inhlan ngam a zong a nih. Nu huosen le inpezoa inthokin thuoitu tha a hung suokthei chauh a nih. Vawisun ni khom hin ei ram le hnamin Hana anga Pathien ring ngam le inpe ngam, nu ei va

mamaw de! Pathienin chuong ang nu chu a zong zing a, ieng tinam nuhai hin lo don ei ta? Nu tha dinga candidate tlingthei ding chun harsatna tuor inhuom mi Pathienin a dit a nih.

Lalpa ditzawnga tuor hi a tîr chun inhawk a um ngai nawh. Hana'n harsatna a tuok hin a pasal bêl nekin Lalpa bêldan a'n chûk a, Pathien thilthawtheizie le a ropuizie khom a hrietsuok pha hiel a nih. Harsatna ei tuok lai hin Lalpa chu hla fea um angin ei ngai hlak. Sienkhom Lalpa chun ei lungrila ei inrum ri hai a hrietthei zing a, ei tongtaina a don hlak. Harsatna hin tuorselna a'n tlun leiin mi a suk puitling hlak. Zuol tieng pana khuokhir thei lo ding

anga a'n lang pha khomin Pathien thilthawtheina le ei chung a zangaina zarin harsatna a mi thunun pêk hlak a nih. Ei tuorzona dingin hratna'n a mi'n thuomthei a, chun a pumpel dân ding lampui khom a mi ruotpek thei bok. Harsatna hi a um zing ngai naw a, inkieng hun a nei ngei hlak a nih. Harsatna hin mani ta ding chauh ni loin midang ta ding malsawmna khom a hrinsuok hlak. "Sawt naw te in tuor hnungin, Kristaa a chatuon ropuina chang dinga kotu cheu, lunginsietnaa sip Pathien chun hung tungding a ti cheu a, siem thaa sukhrâtin, suknghet a ti cheu" (1 Peter 5:10). Lalpa'n malsawm raw sen cheu. Amen.

MIHRANG PASALTHA

Pastor Thangngur
(1891-1943)

Hmar tonga Kristien hla phuoktuhai laia ngirhmun insâng tak cheltu, Pastor Thangngur hi 'Hmar Bungpui' tia an lo ko hiel chu a nih. Kum 1891-in Mizorama Lailen khuoah a pieng a. Chu taka inthok chun Manipur rama Senvon khuo, chanchin tha a hung lutna kotsuoah naupang a ni laiin an inpêm a. Hi khuoah 1910-a Kristien sakhuo a hung luta ringthar inpe hmasa tak mi pathum laia pakhat a nih. Inchûkna tieng chu Pawlruk chen zo a nih. Chuong lai huna chun Pawlruk tling chu mithiema

ngai an nih. Chuleiin, Mission-in zirtirtuah a ruoi zui nghal hrim a nih.

Mithiem hmasa a ni leiin, Mission hnuoia zirtirtu sin thaw nekin, mihai ei tluk ve theina um sun nia an ngai sorkar sinah Thangngur chu lut ve sien ti chu Senvona upa thenkhat hai nuom dan a nih. Chuong lai chun Aizawl Borsapin a hnuoia Rahsi sin thaw dingin a koa, sienkhom a fe nawh. Chu hnung chun, Churachandpur S.D.O. Gespar Sap-in a hnuoia sin thaw dingin a ko ve nawk a. Chu chu lal le upahai chun sêl ta lo hram dingin an ngên

a, ama khomin chu sin chu thaw a tum lungril ve tah a. Mihai norna lei chun, phûr bêk naw sienkhom, Pathien kona a ni le ni naw khom hre chieng lo chun, zom dingin a suok ve ta mop el a. Chibaitu le inthlatu tamtak um hai sien khom hlim nawna ruk rieu a nei a. Chuongchun, "Lalpa, Mission hotuhaiin zirtirtu sin thawa i rong bawl dingin an mi ti a, khawtlânga kan hotuhaiin sorkar sin thaw dingin an mi ti bok si, a ieng lem am ka thlang ding?" tiin lam lakah Pathien kuomah a tongtai a, a'n don tah mop el a nih.

A tongtai zoa hnung tieng a hei ngha chun a mitthlaah chieng êm êmin kraws-a Isu an khêngbet lai chu a hmu a. "Thangngur, krawsah i suolna po poa inthokin ka'n tlan che a, misuol thiem lo chang ding, thiem ka'n changtir che a, ka sin thaw loa sorkar sin maw thaw i tum?" tia hung be hin a hriet a. Chu phing leh Thangngur chun, "Lalpa, kei hi thiem lo chang ding thiem i min changtir a, Krawsah ka suolna hai po po i mi ngaidam a, ka lekha inchûk sung po po i mi chawm a, iengtin am i rong bawl loin khawvel rong bawl thei ka ta!" a hung ti suok tah a. Lalpa'n a rong bawl dingin a dit a nih ti a hang hriet chun, lawm tak le kalpên zâng takin Churachandpur tieng pan ta loin Senvon tieng chun a kir nawk tah lem a nih.

Thado-Kuki Pioneer Mission, kum 1923-a North East India General Mission (NEIGM) tia an thlâka chun zirtirtu sin Senvon khuoah a thaw phot a. Kum hnih

a thok hnungin an hmupui Senvona mi chu Tinsuonga sona a um leiin ama khom chu an son ve tah a. Kum 1929-a H.H.Coleman le Watkin Roberts (Saptlangval) inkâra inhrietthiem nawna leia a hnunga Mission an hung inthe chun Saptlangval tieng, Independent Church pawlah a thang a. Kum 1932-in Vangai biel Phulpui a'n pêm lut a. Kum 1942-in Independent Kohran hotu Pastor Taisen chu sorkar phalna lak hmaa a rawihaiin biek in bawl an tan leiin buoina siemtuaah intumin sorkar chun Manipur rama inthokin an hnot suok a. Chuleiin, Manipur biel enkoltu dingin Pastor Thangngur chu 1943 khan Field Superintendent dinga thlang a hung ni a. Chu kum chun Senvon khuoah inson ding ti ni sien khom inson hman ta loin December 20, 1943 khan Phulpui khuoah a thi a. Ama hi a hming tak nek hmanin "Lalthangpa" tiin a ram mipuihai chun an ko hlak. A thi chun mipuiin inroin an sôn nasa êm êm a, 'Hmar Bungpui a tliek' an ti hiel a nih.

Lengkhawmnaa sak chi le hla pawla sak chi hla 80 neka tam a phuok a. Pathien beltu le tongtaia Pathien pawl zing zing hlak mi a ni leiin, a hlahai hi khabe themthiemna lei ringot ni loa sungrila inthoka hung inirsuok an ni leiin bel chieng an dawl a, tu chena Pathien malsawmna intluntu an la ni zing. A hla phuok thiemna talen ropui tak chu hmangin a ram le kohranhai chu ropui takin ruopui vanawn sur angin a vur a; chu hla rimawi hung fawn vel chun hnam